



ილიას სახელმწიფო უნივერსიტეტი



საქართველოს ჰაილანდის
ჯორჯიული ბიბლიოთეკა

იოანე მტბევეარი

გალობანი წმიდისა
ბასილისნი

გალობანი წმიდისა ბასილისნი
იოანე მტბევარი

გალობანი წმიდისა ბასილისნი საუნჯესა ღმრთისა სიბრძნისასა და სიმდიდრესა მადლისასა და ეკლესიათა სამეუფოსა გვრგვინსა, მღდელო- მოძღუარსა ბასილის, პატივ-ვსცემდეთ მორწმუნენო, და გალობით ღირსად ვადიდებდეთ! სიღრმესა სიბრძნისა შენისასა უხილავისა ფარავოდსნი შეჰმუსრენ ბრძოლანი, ვითარცა ეტლნი, ღირსო! ხოლო ერსა ქრისტესსა წარუძელუ გზასა წრფელსა მართლმადიდებლობისასა, ღირსო!

გარდაიცვალე მიცვალებითა ამიერ სოფლით ღმრთისა თანა და მოქალაქობად მოგეცა ცათა შინა, საიდუმლოდ გამოშჩნდი, მეორეო ენუქ ღირსო, და სათნო-ეყავ ღმერთსა, ბასილი!

ვითარცა კიდობანი, ეკლესიად წყლით-რღუნასა უღმრთოთასა შეუცთომელითა სარწმუნოვებითა შეჰმზადე და შეჰკრიბენ მორწმუნენი მას შინა და ასწავე ქებას სამებისად!

ვითარცა რად უბიწომან აბელ შეწირა უფლისა მსხუერპლი ცხოველი, ეგრეთვე შენ, ნეტარო, შესწირე თავი შენი მსხუერპლად უსისხლოდ ქრისტესა, ბასილი, და აწ, სულითა ცხოველი, იხარებ წინაშე მისსა! ვითარცა რად მოსე აჰყედ, ღირსო, მთასა მას ღმრთის- მეტყუელებისასა და მსგავსად ბრწყინვალისა პირისა მისისა, განათლდა სული შენი და ბნელსა მას შინა წვალეებისასა ჰბრწყინევი ნათლითა საცნაურითა. ვითარცა რად ელია, აღეგზენ ცეცხლითა საღმრთოდსა შურისადათა და შესწუნ წვალეებისა იგი ეკალნი, ღმერთ-შემოსილო, და ნაყოფი საღმრთოდ აღაყუავილე ცუარითა მოძღურებისა შენისადათა! ვითარცა რად პეტრე, იწოდე ბრძენო, საფუძველ ეკლესიათა, ბასილი! და პირ იქმენ ქრისტესსა, ვითარცა ქადაგი წარმართთად პავლე, და მსგავსად იოვანე ღმრთის-მეტყუელისა, გეუწყენს საიდუმლონი დაფარულნი! სულიერად ტაძრად ღმრთისა გამოშჩნდი მამაო ღირსო, და აღეშენე საფუძველსა ზედა მოციქულთასა ბასილი, ვითარცა ოქროდთა და ქვითა პატიოსანითა განჰბრწყინდი ყოვლად ნეტარო! სამწყსოდსა პირმეტყუელისა მწყემს იქმენ, ნეტარო, და გამოჰზარდენ მეცნიერებით

და მწვალებელნი იგი, ვითარცა მკვეცი, განაბნიენ კუერთხითა ენისა შენისაჲთა, ღირსო, ამისთვის გადიდებთ შენ! ხატ სიწმიდისა გამოშჩნდი ახალი იოსებ, ღირსო, საზრდელი უკუდავებისაჲ მიეც მორწმუნეთა, მართალი სარწმუნოვებაჲ, რომლითაცა გამოჰზარდენ წმიდათა სულნი სწავლითა შენითა! სიტყუათა შენტა ელვანი გამოუჩნდეს, ღმერთ-შემოსილო, სოფელსა და სულისა ბრწყინვალეზანი ნისლსა ცოდვისასა განიოტებდეს! კიდობნად შჯულისად გიცნობთ, რამეთუ სიტყუანი საღმრთონი გქონან შენ, ვითარცა ფიცარნი ქვისანი, სავსენი სიბრძნითა სულიერითა! დაუმკვდრენ მორწმუნეთა მეცნიერებისა სწავლანი ბასილი, და მოსრენ ვნებათა საცთურნი სიტყუთა შენითა, ღმრთივ განბრძნობილო! ეკლესიაჲ ქრისტჳსი განაშუენე სწავლითა მით შენითა საღმრთოდთა სახედ სამკაულისა სამეუფოდსა, ნეტარო ბასილი, და იქმენ ჭეშმარიტად მკვდრ ზეცისა სასუფეველისა და მოდასე მოციქულთა თანა! სათნოვებისა ხატად ჭეშმარიტად გამოშჩნდი ბასილი, სიბრძნითა მით სარწმუნოვებისაჲთა და საქმითა მოლუაჩებისაჲთა საღმრთოდთა, რომლითაცა განჰბრწყინდი, ვითარცა მთიები სამყაროსა და ჰნათობ სოფელსა!

ენითა მით საღმრთოდთა, ვითარცა შურდულითა შეთხზულითა, ნეტარო, ქრისტჳს სახარებითა დაამხუ არიოზის განდგომილებეჲ, ვითარცა დავით გოლიათი, და ჰქადაგე სამეზად ბუნებით სწორი, განუყოფელად! განამრავლეს ღელეთა სიტყვერი იფქლი სარწმუნოვებისაჲ თესვითა სიტყუათა შენტაჲთა, ღმერთ-შემოსილო, და აქებენ ღირსად დღესასწაულსა შენსა! სამებისა ვედრებითა ბასილი, ცეცხლი სარწმუნოვებისაჲ აღაგზენ, ვითარცა ელია, და მღდელნი სიცრუვისანი განჰსდევნენ, ვითარცა ქურუმნი ბაალისნი! ტყუილისა სიმწარენი, ვითარცა უშვილონი წყალნი, ღირსო, მადლისა მარილითა დაატკბენ და ჰქადაგე მართლ-აღსაარებაჲ სამებისა წმიდისაჲ! შენ, რომელმან გამოაჩინე ღირსი ბასილი მწყემსად და განმანათლებელად მორწმუნეთა, კურთხ[ეულ ხარ]! შენ, რომელმანცა განახუნ ზეცისა საიდუმლონი და წყაროდ მადლისაჲ აღმოაცენე სწავლითა, ბრძენო,

ყოველნი მორწმუნენი გადიდებთ! არაჲ ჰმსახურე ხატსა გმობისასა და სიქადული მძლავრთაჲ შეურაცხ-ჰყავ, ბასილი ღირსო, და მგმობართა მათ დაუყვენ პირნი, ღმერთ-შემოსილო! რომელმანცა ენითა უძლურითა, ვითარცა ლამპრითა ცეცხლისითა, შეწუნა ეკალნი გმობისანი სულისა წმიდისა მადლითა, მღდელთ-მომღუარსა ბასილის ყოველნი ვაკურთხევთ! რომელმანცა მორწმუნეთა მიჰმადლა ყუდროვებაჲ მართლ-მადიდებლობისაჲ სწავლითა საღმრთოთა და უღმრთოვებისა ქარნი დააყუდნა, ყოველნი ვაკურთხევთ სოფლისა მნათობსა, დიდსა ბასილის! რომელმანცა მიანიჭნა კლიტენი სასუფეველისა ცათაჲსანი ბასილის, ვითარცა ეკლესიათა თავსა და ბრძენთა მთავარსა, ქრისტესა ვაკურთხევდეთ უკუნისამდე! რომელმანცა მადლითა სულისაჲთა მედ ქუხილის უწოდა და მეგობრად თვსა და თანამოდასედ მოციქულთა ნეტარსა ბასილის, ქრისტესა ვაკურთხევთ უკუნისამდე! რტოდ ვენაჯისა საღმრთოჲსა გამოშჩნდი შენ, ბასილი, სათნოვებისა ტევანნი გამოიხუენ, მამაო, და ღვნოდ გულისხმის-ყოფისაჲ ასუ სამწყსოთა ქრისტესთა, ყოვლად ნეტარო! სახილველთა ზეცისათა აღიტაცე, ბასილი, და სამოთხისაჲ იხილე შუენიერებაჲ, ღირსო, და ჭურად სიწმიდისაჲ გამოშჩნდი, ვითარცა ქადაგი წარმართთაჲ პავლე! სიტყუაჲ შენი უზეშთაჲს მზის-თუალისა განბრწყინდა, რაჟამს განაწესე, ღირსო, კანონი მონაზონთაჲ, განსდევნენ ღრუბელნი ცოდვისანი და გუახარე კუალად ცხოვრებაჲ ცრემლითა!